

SAOPŠTENJE ZA MEDIJE

Praznična atmosfera u dm-u: 13. plata za zaposlenike, poklon kartice i redovno povećanje plate od januara

Sarajevo, 26.12.2024. - Rast kompanije dm na bh. tržištu kontinuirano prati i rast ulaganja u zadovoljstvo zaposlenika, a dm posebno brine da kraj godine protekne u najboljem, prazničnom raspoloženju. Tako je u decembru, mjesecu darivanja, za zaposlenike dm osigurao isplatu 13. plate, dok je za početak godine najavljeno redovno povećanje plate od prosječno 12%, koje će startati od januara.

Osim 13. plate, dm zaposlenici su dobili i poklon kartice u vrijednosti od 80 KM, dok je svakom djetetu dm zaposlenika do 15 godina dm darovao po 100 KM. Osim pogodnosti u posljednjem mjesecu, tokom poslovne 2023/2024. godine svim zaposlenicima isplaćen je i regres u punom iznosu neto plate.

„Za kontinuiran poslovni rast i razvoj koji traje već 18 godina u velikoj mjeri zaslužni su naši predani zaposlenici. Njihova dobrobit je od izuzetne važnosti za nas. Tokom cijele godine vodimo računa da gradimo tim koji uživa u stabilnom i motivirajućem radnom okruženju i kreiramo poslovnu atmosferu koja podstiče usavršavanje, kreativnost i odgovornost. Sistem vrednovanja i nagrađivanja stimuliše razvoj karijere u našoj kompaniji, dok je pozitivna poslovna atmosfera u dm-u prepoznata i zahvaljujući brojnim aktivnostima kojima nagrađujemo posvećenost i zalaganje. Kraj godine posebna je prilika da našim zaposlenicima naglasimo koliko su nam važni“, izjavila je Emina Mušinović, članica Poslovodstva i voditeljica resora Ljudskih resursa i IT-a u dm-u.

Zahvaljujući izvanrednim radnim uslovima i brizi o zaposlenicima, kompanija dm već deset godina nosi titulu najpoželjnijeg poslodavca u Bosni i Hercegovini. Osim direktnih finansijskih pogodnosti, slijedeći filozofiju *Živjeti posao drugačije*, to znači i ulaganje u lični i profesionalni razvoj zaposlenika, za koje je dm u protekloj poslovnoj godini izdvojio čak 1,5 miliona KM. Filozofija *Živjeti posao drugačije* u dm-u podržana je još kroz brojne pogodnosti kao što su: redovan sistematski i stomatološki pregled, mogućnosti dodatnih edukacija te jačanje zajedništva učešćem u različitim aktivnostima kao što su Obiteljski dan i novogodišnja večera. Svi roditelji prvačica ostvarili su i pravo na plaćen slobodan dan na prvi dan škole, dok plaćeno porodijsko odsustvo trenutno koriste 49 zaposlenica. Podsjećamo kako su i za kraj uspješne poslovne godine (oktobar 2023 – septembar 2024) svi dm zaposlenici dobili i dm poklon karticu u vrijednosti od po 200 KM.



Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 18 godina dm se sa više od 1.200 zaposlenika i 93 prodavnice u 47 gradova te distribucijskim centrom u Sarajevu pozicionirao kao vodeća kompanija u kategoriji drogerija. U poslovnoj godini 2023/24. dm je u Bosni i Hercegovini ostvario promet od 421,2 miliona KM. Asortiman dm-a obuhvata gotovo 14.000 proizvoda etabliranih svjetskih i domaćih proizvođača, među kojima je 31 dm robna marka kao što su Balea, alverde, Mivolis, trend It up, Denkmit, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

dm u BiH imidž Najpoželjnijeg poslodavca, priznanja koje mu je dodijeljeno deset puta, od toga osam puta zaredom, gradi kontinuiranom brigom o zaposlenicima te im, uz brojne pogodnosti kao što su redovni sistematski i stomatološki pregledi, školovanja i edukacije, svake godine isplaćuje regres i 13. platu.

Saopštenja za javnost na raspolaganju su Vam na <https://www.dm-drogeriemarkt.ba/pr-imeriji/saopstenja-za-medije>, a arhiva fotografija na <https://www.dm-drogeriemarkt.ba/pr-imeriji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba